

1 TIMOTEO

Timoteodih ã túyat tútat

¹ Weém, Pablo, meém Timoteodih* nin náodih wã daác wahna caá. Jwĩ íp Dios jwiít dih túi ãbni, Jesús jĩh ãih túini doonádih ã naáwát tút ni wã jumna caá. Jwiít dih Jesús ã pebhboó ã ãb bejat pínahdih jéihna, jwĩ wēi pãina caá. ² Timoteo, meemdíh Jesúih doonádih weemjéh wã bohénachah joinít, Jesúsdih ma jwíh jepahachah, wã wũúh panihni ma jumna caá. Dios jwĩ íp, jwĩ Maáh Jesucristobut oi jĩgah ennit, ã teo wáaca naáh, ma túi jumát pínah niijná.

Bitã ã yee bohéát dih Timoteodih ã yoobáát tútat

³ Macedonia baáchoó jwĩ bej láa Éfeso tútchiboó jwibínit, biquína Jesúih doonádih yee bohénit dih jwĩ joyóp jĩ. Páant ã bohéát dih joinít, meemdíh caán tútchidih wã cádahap jĩ, ã yee naáwát dih ma cádahat tútat pínah niijná. ⁴ ã ñowã jon jãt ih moón ã jenah joyátjidih páantjeh ã bohénap jĩ. Ded pah ã naáwátj i, ã wũtnadihb ut ã bohénap jĩ. Queét pánih bohéna, míc íjanit, Dios jwiít dih ã wutat pah ã chãjcap jĩ. ã jéihyatjĩh jeh bohéna, Diosboodíh ã túi jenah joicáp jĩ.

⁵ Páant ã jumachah enni, meemdíh chah wã wēp bohéat tútatj i, Jesúihwã bitadih ã oyat pínah, Diosdih ã túi jenah joyát pínah, dedé yéejat wihcan, yéejat peéh chãjatdih ã úmcat pínahbut niijná. ⁶ Páant wã bohéát dih yohnit, oboh jumni boodíh

* 1:1 Hch 16.1-3

ĩ míic wéhena caá. ⁷ Moisés ã w̄tatjidih bohénit jumíhna yuhna, ded pah ĩ bohéatdih queétjeh ĩ beh joicán caá.

⁸ Páant Moisés ã w̄tatjidih yoobópdih jwĩ bohénachah, túini w̄tat ã jumatdih jwĩ jéihna caá. ⁹⁻¹⁰ “Caán w̄tatdih jepahnitdih jw̄ub bohéat caá náahap”, jwĩ niíj jenah joicán caá. Obohjeéhtih, nin panih ch̄jnitboodíh bohéat caá náahap: Dios ã w̄tatdih yap yohnit, yeejép ch̄jnit, ĩ mánadih mao yohnit, bitadihb̄ut mao yohnit ĩ jumna caá. Yéej ch̄jnit, neoná míicjeh, yaádh míicjehb̄ut yéej ch̄jnit ĩ jumna caá. C̄acwãdih ubnit, bitadih teo w̄hat pínah niijná, queétdih jíib ch̄j w̄h̄nit ĩ jumna caá. Yee naóh̄nit, túini bohéatdih yap yohnitb̄ut ĩ jumna caá. Pánih ch̄jnitdih caá Dios naáwãtdih bohéat náahap, ĩ túut n̄umát pínah niijná. ¹¹ Caán bohéat caá Jesúh̄ doonádih Dios weemdíh ã bohéat túut̄p jĩ.

Dios Pablodih ã oi j̄gah enat

¹² Weém yeejép wã ch̄jachah yuhna, “Pablo wã naáwãtdih ã túi bohébipna caá”, niíj jenah joinít, jwĩ Maáh Jesús weemdíh ã ñíwip jĩ. Páant ã ñíwichah jéihna, “Túina caá”, caandíh wã niijná caá. Páant ã ñíoni jumna, ãih doonádih wã bohénachah, ã wēpatj̄h weemdíh ã teo wáacna caá. ¹³ Páant ã ñíwat pínah j̄atih, Jesúsdih jéih jw̄hcan, caandíh yeejép wã wéhenachah, ãih c̄acwãdihb̄ut yeejép wã ch̄jachah yuhna,* caánboó weemdíh ã ñíwip jĩ. Yeejép ch̄j jw̄hna, “Yeejép ch̄jna caá wã ch̄jap”, wã niíj jenah joicáp jĩ. Páant wã jéih jw̄hcah enna, peéh ch̄jcanjeh, weemdíh ãt oi j̄gah enep

* **1:13** Hch 8.3; 9.4-5

jĩ. ¹⁴ Pánihna, jwĩ Maáh Jesucristo weemdíh búdí oinit, ã táí chãjatdih jéihna, caandíh wã jepahap jĩ. Pánih jepahni jumna, ã oyatjĩh bitadihbət búdí wã oina caá.

¹⁵ Yeejépwã jwĩ jumuchah jéihnit, iiguípna jwĩ bejat déedih táí ubat túut niijná, Jesucristo nin baácboó át dei jũúwáp tajĩ. Páant jwĩ naáwát yoobópdih ã jumatdih nihát ĩ táí jéihye naáh. Weémboó bita chah yeejép wã jumap jĩ.

¹⁶ Obohjeéhtih, páant yeejép chãjni wã jumuchah yuhna, Jesucristo weemdíh peéh chãjcan, át jĩgah enep jĩ. Pánih jĩgah enna, weemdíh ã táí chãjatdih jéihnit, bitabət caandíh ĩ jepahbipna caá. Pánih jepahnit, Diosjeéh ã pehbhoó páantjeh ĩ jumbipna caá.

¹⁷ Dios páantjeh jumni nihát cãacwãdih chah maáh caá. Caán jwĩjeéh ã jumuchah yuhna, caandíh jwĩ en jucán caá. Caanjéh caá Dios. Biíh wihcan caá. Páant ã jumuchah jéihnit, jwiít dih yeó jáap jumap pah caandíh wēi naáwát caá náahap. Páant tií ã jumə nah.

¹⁸ Timoteo, wã wũúh panihni ma jumuchah, nindih meemdíh wã wutna caá: Jwiít Jesúihwã waóhntboó meemdíh jwĩ teo jãha wúbh láa, Túini Espíritu ã jéihyanachah, meemdíh jwĩ naóh yapanap jĩ. Páant jwĩ naóh yapaatjidih táí náhninit, Jesúih doonádih wēp naóh bohéni ma jumú. Bita meemdíh joicánjeh yeejép ĩ chãjachah yuhna, caandíh ma bohé cádahca bojoó. ¹⁹ Jesús dih táí jenah joí cádahcan, yeó jáap jumap pah caandíh ma táí wúbú. “Dedé yéej chãjat jíib weemdíh ã wihcan níit”, níj jenah joyát túut niijná, mapĩ jumap pah, túinijeh ma jumú. Biquína pánih jumcan, Jesús dih

ĩtát cádahap tajĩ. ²⁰ Queét cádahnit poómpjeéh Hime-neo, Alejandrojĩh ĩ jumna caá. Pánihna, jáantjeh nemépwã ĩ maáhdih wãát wãhup jĩ, ded pah ã náahat pah queétdih ã chãjat pínah niijná. Queét yeejép ĩ bohéátjdih cádahnit, ĩ jwúub túut nuumát pínah niijná, caandíh wã wãhup jĩ.

2

Jesúíhwã míc wáacnit, ded pah ĩ úbát

¹ BHH nin pah meemdíhjuh wã jwíh naóhna caá, bitadihbut ma bohéat pínah niijná: Yeéb Jesúíhwã míc wáacnit, nihat cáacwãdih ñi úbú, queétdih Jesúsdi h ĩ jepahat pínah niijná. Pánih úbhna, “Túina caá, Paá”, caandíh niijátbut ã náahna caá. ² Nihat maátadihbut úbát náahap, míc mawat wihcan, Dios ã náahat pah chãjnit, ĩh cáacwã ĩ túi jummat pínah niijná. ³⁻⁴ Nihat cáacwã iiguípna bejnit déedih túi ubat túut niijná, ã wũúh túini doonádih joinít ĩ jepahatdih Dios ã náah yacna caá. Páant bitadih jwĩ úbúchah, búdí ã wẽina caá. ⁵⁻⁶ Bícjeh tigaá Dios. Obohjeéhtih, jwiítboó yéejnit jumna, caán bícdih jwĩ jéih jumcan caá. Páant jwĩ jumuchah, nihat cáacwã úud jeñé Jesucristojeh jwĩ yéej chãjat jíb át wun wãhup jĩ, Diosjeéh jwĩ túi jummat pínah niijná. Jesús ã wun wãhatji doonádih Dios ã ñío láa cáacwãdih át jéihya jwíhip jĩ.* ⁷ Jesús páant ã jummatdih wã naáwát pínah, judíowã nihcannitdih túini doonádih wã bohéat pínahbut niijná, weemdíh ã ñíwip jĩ. Yoobópdi h meemdíh wã naóhna caá. Wã yeecan caá.*

* **2:5-6** Mt 20.28; Mr 10.45; Gá 1.4; Tit 2.14 * **2:7** 2Ti 1.11

Neoná, yaádh ded pah ï chãjat

8 Queét Jesúhwã munná jumat yoobó míc wáacnit, bíicdih úbhna, neoná yéejat cádahnit jumna, téihya aabánit, ï úbú naáh. Íjcan, míc jãihñat wihcanjeh úbh waáwát caá náahap.

9 Yaádhboó táinijeh yégueh ï dawú naáh, bita ï en ñinahcat pínah niijná. Tãbit mácah jígozni ñih waó yoócnadih ï chãjca bojo naáh. Bita ï wëi naáwát pínahdih bidcanjeh, búdí jíb jumni iigni tōpna, yégueh chóonadihbat ï duocá bojo naáh.*

10 Queét yaádh ï túi chãja naáh. Pánih chãjna, bitaboó queétdih jenah joiná, ï túi jígohtdih jenah joicán, ded pah ï túi chãjatboodih ï jenah joibípna caá. Páant tigaá Dioíhwã yaáhdih náahap.

11 Míic wáacna, laihsan, wëinit, bohéatdih ï túi joyó naáh. 12-14 Míic wáacnit, yaádh neonádh bohécan, ï wutca bojo naáh. Laihsan, táinijeh joí chũdnit yaádh ï jumna naáh.* Adándih Dios jwíh chãjnit, caán tãttimah, Evadih át chãjap wut jĩ, caandih teo wáacnih mi jumat pínah niijná.* Caánt Adándih wutnih pínah mit nihcap wut jĩ. Nemép ã yeenachah joiní Adán nihcah, Evaboó mit joyóp wut jĩ. Páant ã yeenachah joiná, Diosdih mit yap yoh jwíhip wut jĩ.* 15 Obohjeéhtih, yad wili Diosdih mi yap yoh jwíhichah yuhna, yaádh ï wehdih túi en daonít, Diosdih túi jenah joí cádahcan, ãjééh ï túi jumbipna caá. Diosdih cãacwãdihbat oinit, ï túi chãjachah, queétdih ã wëi enbipna caá.

* 2:9 1P 3.3 * 2:12-14 1Co 11.2-6; 14.34-35 * 2:12-14 Gn 2.7,21-22 * 2:12-14 Gn 3.1-6

3

Jesúhwã ï maáta ded pah ï chãjat

¹ БУУ, Jesúhwã ï maátadih ded pah ï ñíwat pínahdih wã naóhbipna caá. Ded queétdih waóhni jumíhni túini tewatdih ã bidna caá. Caán yoobópdihi tigaá. ² Jesúhwãdih waóhni pínahdih ñíona, yeejép dooná ã wihcat pínah niijná, nin pah jumnitdih ï ñíwi naáh: Det biíc wilidihjeh bíbohniitdih, túi jenah joinít, túinijeh mæúdíh waád jëúwát túutnit, túi naóh bohénitdih ñíwat caá náahap. ³ Det máihcannitdih, míic maocannit, míic jãihcannit, dinero búdí bidcannit, cãacwãdih túinijeh chãjnitdih ñíwat caá náahap. ⁴ Pánihi ñíonit, ï weha mána yaádhdihi, ï wehdihbut yeejép niijcánjeh túi wutnit ï jumæ naáh. ⁵ Queétdih túi wutcan, Jesúhwãdihbut ïta túi wutcan tagaá. ⁶ Jesúsdih jáap jepahni Jesúhwãdih waóhni ã jumca bojo naáh. Jáap jepahnidih ï waadánachah, “Weém chah jéihni caá”, áta niij jenah joi tágaá. Páant ã niij jenah joyóchah, Satanásdih ã peéh chãjat pah muntih Dios caandíhbut áta peéh chãj tagaá. Satanás páant ã niij jenah joyátji jíib, Dios át peéh chãjap wut jã. ⁷ “Caán túi chãjni caá”, Jesúsdih jepahcannitboó ï niijnídihi maáh ï waadána naáh. Pánihi túi chãjni jumna, nemép ã náahat pah ã chãjcah, caandíh dedé yeejép dooná ã wihcan niit.*

Jesúhwãdih teo wáacnit ded pah ï chãjat

⁸ Jesúhwãdih teo wáacnitjeéh waadát túutnitdih ñíona, nin pah jumnitdih ï ñíwi naáh: Túi jenah joinítidih, ï niiját pah chãjnit, máihcannit, jéihcha

* 3:7 Tit 1.6-9

dinerodih uábhcanitdihbút ñíwat caá náahap .
 9 Dedé peéh chājat wihcan, Dios naáwát dih
 táí jepahnitdihbút ñíwat caá náahap . 10 Queét
 waádíh nit ded pah $\text{ĩ chājatdih ĩ jwíh táí ene naáh}$.
 Pánih enat túttimah, yeejép chājcannit jumna ,
 Jesúihwādih teo wáacnitjeéh ĩ jumna naáh . 11 ĩ weha
 mána yaádhbút nin pah ĩ jumna naáh : Túinijeh
 jumnit , obohjih dooná naóhcannit, táí jenah
 joinít, máihcannit, ded pah $\text{ĩ niiját pah chājnit}$
 yaádh ĩ jumna naáh . 12 Jesúihwādih teo wáacnit
 pínahdih ñíona , nin pah $\text{jumnitdih ĩ ñíwi naáh}$: Det
 bíic wilidihjeh bíbohnitdih, ĩ weha mána yaádh ,
 ĩ weh , queétdih teo wāh nitdihbút táí wāt nitdih
 ĩ ñíwi naáh . 13 Páant $\text{ĩ ñíonitboó Jesúihwādih ĩ táí}$
 teo wáacachah, bita queétdih $\text{ĩ táí wēi naóhbipna}$
 caá. Pánihna, táini doonádih, Jesucristodih ĩ
 jepahatdihbút $\text{ámcanjeh bitadih ĩ naóhbipna}$
 caá.

Dios naáwát ded pah ã jumat

14-15 Butéhjeh ma pebhboó bejihna caá wā chājap
 yuh caá. Obohjeéhtih, “Butéhjeh weém wāta bej
 jwuhcan caá”, niijnít, nin núodih meemdih wā
 daác wahna caá, queét Jesúihwā míic wáacnit, ded
 pah $\text{ĩ jumat pínahdih ma jéihyat pínah niijná}$. Jwiít
 Jesúihwā Dios páantjeh $\text{jumniíhwā jwí jumna caá}$.
 Āihwā jumna , ã naáwát yoobópdi jumnidih jéihna ,
 caandih jwípĩ bohéna caá . 16 Jon jātih Jesucristoíh
 táini doonádih $\text{jwí jéih jwuhcap jĩ}$. Páant jwí
 jéihcannidih $\text{bua Dios jwiít dih ã jéihyanap be}$. Nin
 pah caá ã jéihyaat:

Jwiít pahjeh Jesucristo át cāac jumap wut jĩ .
 Túini Espíritu caandih búdí teo wáacnit, yéejat

wihcanni ã jumatdih ãt jútup wut jĩ. Ángelwãbut caandih ãt enep wut jĩ. ã bohéat tútnitboó nihat baácdih moondih ãih túini doonádih jwĩ bohénap jĩ. Páant jwĩ bohénachah, caán doonádih joinít, dawá caandih ã jepahap jĩ. “Nihat baácdih moondih ñi bohénaá”, ã niját túttimah, jeáboó Dios caandih ãt ub páuh laab béjep wut jĩ. Caán naáwát dih jwiít nihat Jesúihwã jwĩ túi jéihna caá.

4

Ded pah yee bohéat ã jumat

¹ Túini Espíritu nin pah jwiít dih ã jéihyana caá: Jesús ã jwúb dei júwát pínah jãtih, biquína ãih túini doonádih joinítji caandih cádahnit, nemépwã ã yeeatdih ã joibípna caá. ² Pánih joinít, bitadilh ã yee naáwáchah, queébut ã jepahbípna caá. Pánih yee naóhnit, yeejép chãjna yuhna, “Weemdih yéejat wihcan caá”, ã níj jenah joibípna yuh caá. ³ Nin pah ã níj bohébípna caá: “Ñi áa jumca bojoó. Jwĩ jeémát tútcanni jeémát dih ñi jeémca bojoó”, ã níj wutbípna caá. Queét páant ã jeémát tútcáh yuhna, Diosboó jwĩ jeémát pínahdih wãhna, nihatdih ã jeémát túttna caá. Jeémát dih bíbohna, caandih “Túina caá, Paá”, niját caá náahap. ⁴ Nihat Dios ã chãjni túini caá.* Pánihna, ã wãhni jeémát dih ubna, caandih “Túina caá, Paá”, nijná, yohcan-jeh, túi wëi jeémát caá náahap. Bitã ã jeémát tútcáh, queétdih ñi joyáh bojoó. ⁵ “Nihat wã wãhni jeémát ã túina caá”, Dios ã niját dih náhninit, “Nin

* 4:4 Gn 1.31

jeémát ma wāhat túina caá, Paá”, niijnit, ā wāhni jeémátdih wēi jeémát caá náahap.

Jesúíhwādh teo wáacnit ded pah ĩjumat

⁶ Páant wā naáwátdih Jesúíhwādh bohéna, meém, Timoteo, caandíh túi teo wāhni ma jum̄bipna caá. Jesucristoíh doonádih túi joiníji jum̄na, Dios naáwátdihbut túi jepahni ma jum̄na caá.

⁷ Diosdih jéihcannit ĩ jenah joyátj̄hjih ĩ bohénachah joyáh bojnit, Dios ā weñat pínahboodíhjih chājat caá náahap. ⁸ Ded āih bácahdih ā wēpanachah, ā túina caá. Obohjeéhtih, āih bácahdihjih nihcan, āih caolihdih ā wēpanachah, chah ā túina caá. Pánih caolihdih wēpana, nin baácboó túi jum̄, ā w̄nat túttimah, jw̄ub boo p̄ud j̄óh̄nit, Dios pehb̄boobát ā túi jum̄bipna caá. ⁹ Caán yoobóp̄dih tigaá. Pánihna, nihat cāacwādh caán naáwátdih jepahat caá náahap. ¹⁰ Yeejép yapna yuhna, búdí jw̄i teona caá, nihat Diosdih ĩ jepahat pínah niijná. Caán páantjeh jum̄ni, nihat iiguíp̄na bejnit déedih túi ub̄ni jum̄na, caandíh jepahnitdihjih ā túi ub̄bipna caá. Páant ā túi ub̄at pínahdih jéih̄nit, jw̄i wēi p̄aina caá.

¹¹ Páant wā nijjátdih bohéna, Jesúíhwādh ma túi wutúú. ¹² Obohjeéhtih, jáap ma jum̄achah ennit, biquína meemdíh ĩta joyáh boj tagaá. Páant ĩ joyáh bojcat pínah niijná, nin pah queédih ma chāj j̄utú: Bitadih oina, túinijeh naóh̄nit, túi chājnit, Jesús̄dih ma túi jenah joí cádahca bojoó. Páant ma chājachah ennit, jáap ma jum̄achah yuhna, meemdíh ĩ joyáh bojcan niít. Páant ma túi jum̄achah, queét meemdíh ĩ en yachipna caá.

13 Pánihna, ma pebhna wã jũbíát pínah jãtih, Dios naáwátdih en naóhnit, Jesúíhwãdih ma túi beh joyánaá. 14 Jesúíhwã ã maáta meemdíh teo jáha úúbhñit, Túini Espiritu ã niijátdih ã naóh yapaatjidih ma túi náhninaá. Páant ã teo jáha úúbúchah, Dios meemdíh ãih wēpat ã wãhatjidih náhninit, úúmcanjeh ma túi wēp bohénaá.

15 Páant wã niijátdih ma túi náhninaá, yeó jáap jumat pah Dios naáwátdih chah ma túi bohéátdih nihat ã enat pínah niijná. 16 Meemjéh ma túi eneeé, ded pah ma chãjatdih, ded pah ma bohéátdihbut. Yeó jáap jumat pah páant míic ma chãjaá. Pánih chãjna, meemjéh, ma bohénitdihbut iiguípna bejnit déejidih ma túi úúbbipna caá.

5

Bitá Jesúíhwãdih ded pah teo wáacat

1 Bũũ bainí meemdíh wã jwúúub naáwíhna caá, ded pah Jesúíhwãdih ma teo wáacat pínah niijná. Behnitboó ã yéej chãjachah, jũihcan túinijeh naáwát caá náahap. Ma ípdih ma naáwát pah, behnitdihbut túinijeh ma naáwá, ã túut nũũmát pínah niijná. Ma úúdwãdih ma naáwát pah japatadihbut túinijeh ma naáwá, queébtut ã túut nũũmát pínah niijná. 2 Ma índih ma naáwát pah, behnit yaáhdihbut túinijeh ma naáwá. Ma déewã yaáhdih ma naáwát pah, jũihcan, japata yaáhdihbut túinijeh ma naáwá, ã túut nũũmát pínah niijná.

3 Bũũ éemp wũnnit yaáhdih ded pah ma teo wáacat pínahdih wã naóhbipna caá. Dedh déewã wihcannih éemp wũnnihdih teo wáacat caá náahap.

⁴ Obohjeéhtih, éemp wunnih mi weh jumna, mi jumená jumna, queétoó caántdih ï teo wáaca naáh. Pánih teo wáacna, Dios ã wutat pah ï chãjna caá. Queétdih mi en dawátji pah, queétoó ï jwúub en dawá naáh. Páant ï chãjachah enna, Dios ã túi wëina caá. ⁵ Biíh wili éemp wunnih, déewã wihcan-nih jumna, Dios ã teo wáacatdih mi pãina caá. Pánih jumna, yeó jáap jumat pah Diosdih mi úbhna caá. Páant mi jumatdih ennit, caántdih ñi teo wáacá. ⁶ Obohjeéhtih, biíh wili éemp wunnihboó mi weñat pínahdihjeh jenah joinít, Jesúsdi h jepah-can, iiguípnna mi bejbipna caá. Páant mi jumuchah ennit, caántdih ñi teo wáacca bojoó. ⁷ Nin butéh wã wutatdih Jesúhwãdihbut ma jwúub naóh yap-panaá, ï túi chãjat pínah niijná. Páant ï chãjachah ennit, “Ï túi chãjcan caá”, bita queétdih ï jéih niijcán niít. ⁸ Ded ã déewãdih túi en daocánni, ã wehdih ï índihbut en daocánni “Weém Jesúh caá”, niijná yuhna, ã naáwãtdih ã yap yohna caá. Pánih jumna, Jesúsdi h jepahcannitdih chah yeejép ã chãjna caá.

⁹ Dedh éemp wunnih Jesúhwãdih teo wáacnitjeéh mi waádihichah, sesenta jópchi chah bíbohnih, biíc dihjeh áa jumnihjidih ñi waadánaá. ¹⁰ “Caánt túinijeh chãjni h caá”, ï niijníhdih, mi wehdih túi behanij, miíh múboó bitadi h túi waád júúwát túutnih, Jesúhwãdih teo wáacnih, yeejép yapnitdihbut teo wáacnih, túinijeh chãjnihdih ñi waadánaá. Queét teo wáacnit pínah yaádh dih ñio péanit, ïih wütnadi h ñi daacá.

11-12 Obohjeéhtih, éemp wunnit yaádh jáapwã yaádh búg ï jumuchah, ïih wütnadi h ma daacca bojoó. “Míhwãdih teo wáacnih pínahjeh wã

ɟumbipna caá”, Cristodih niijníh yaádh ɟumna yuhna, táttimah newédih ɟwúub bidna, ïta ɟwúub áa ɟum tagaá. Pánih chājnit, ï naáwátji biíc yoobó ï péacah, queét yaáhdih peéh chājat āta ɟum tagaá ¹³ Pánih chājna, nin pahbut ïta chāj tagaá. Teocannit yaádh, munná yoobó táoh yee naóhnit, bita ï tewatdih en naóhnit, yeejép wéhenitbut ïta ɟum tagaá. ¹⁴ Pánihna, queét yaádh ɟwúub áa ɟumnit, ï weh ɟumu naáh. ï weha mána, ï wehdihbut ï túi en dawá naáh. Páant ï chājachah, ɟwiít Jesúíhwādh eníhcannit “Queét yaádh yeejép chājna caá”, ï jéih niijcán níit. ¹⁵ Buu biquína éemp wunnit yaádh Jesucristodih cádahnit, Satanás ā náahatboodíh ï chājna caá. Pánihna, bita yaádh páant ï chājcat pínah niijná, meemdíh wā naóhna caá.

¹⁶ Det Jesúíhwā ï dée wili éemp wunnih mi ɟumuchah, queétboó caántdih ï teo wáaca naáh. Páant ï teo wáacachah, bita éemp wunnit, déewā wihcannit yaádhboodíh Jesúíhwā ï jéih teo wáacna caá.

¹⁷ Buu Jesúíhwā ï maátadih ded pah ï chājat pínahdih meemdíh wā naóhbipna caá. ï maáta queétdih ï túi en dawát jíib, wēinit ï jíib chāja naáh. Biquína ï maáta, Dios naáwátidih bohénitbut ï ɟumuchah, bita maátadih ï jíib chājat chah, queét bohénitboodíh ï jíib chāja naáh. ¹⁸ Dios naáwátidih daácni nin pah ā níj daacátjidih náhniat caá náahap: “Momo jiwiwā trigodih ï caóh chuñuchah, queétdih ñi jac chéoca bojoó, ï túi jeémát pínah niijná”, āt níj daacáp tajl.* Páant ā daacátji pah mantih, bíhboó “Teonidih ā tewatji jíib, jíib chājat

* 5:18 Dt 25.4

caá náahap”, ãt niij daacáp tajĩ.* Páant ï niijátjidih náhninit, Jesúíhwã ï maátadih wěinit, queétdih ï táí jíib chãja naáh.

19 Jesúíhwã maátadih biícjeh yeejép dooná naóhniidih joyáh bojat caá náahap. Obohjeéhtih, chénewã, biíc peihcannit biíc yoobó ï niijíchah, caandíh ï naóh yacat yoobópdi h ã jumna caá.*

20 Pánihna, ã yéej chãjatdih ã cádahíhcah ennit, ñi míic wáacapoó caandíh ñi jãihñũú. Páant ñi jãihñũchah joinít, bitabat biíc yoobó yeejép ï chãjcan niít.

21 Dios, Jesucristo, ã ñíonit ángelwãbut ï enechah, nin pah meemdíh wã wutna caá: Butéh wã naáwát pah ma táí chãjaá. Pánih chãjni jumna, biíc di h chah teo wáacnit, biíh di h nump ma teo wáacca bojoó. Nihat Jesúíhwã di h biíc yoobó ma chãjaá.

22 Det Jesúíhwã ï maáh waadíhniidih ma teo jãha wúbát pínah jãtih, yójahcanjeh, ded pah ï chãjatdih ma táí en ñũũn jwáhũú. Páant táí en jwũhcanjeh ma ñíwichah, queét yeejép chãjnit ïta jum tagaá. Páant yeejép ï chãjachah ennit, maátajeéh queétdih ma waadáca bojoó. Yeejép chãjnitdih waadána nihna, “Queét táí chãjnit caá”, niijní pah mata jum tagaá. Meémboó yéejat wihcanni ma jumũú.

23 Bũũ meemdíh jwũh bainí wã naóhbi pna caá. Mahdi h jeh ma babhna caá. Pánih babhna, wũdah tũbat, biíh wũnatbut meemdíh dawá láa ã jumna caá. Pánihna, jiwá iguíh macdi hbut bainíbit babhbat caá meemdíh náahap, míih bácah ã táí jummat pínah niijná.

* 5:18 Mt 10.10; Lc 10.7 * 5:19 Dt 17.6; 19.5

²⁴ Maátadih ñi bidatdih jwúub jenah joinít, nin pah wã niíj naóhna caá: Biquí láana det ñ yéej chājachah, nihat jwī jéihna caá. Dios queétdih ã peéh chājat pínahdihbut jwī jéihna caá. Pánihnit maáta ñ jumíhichah yuhna, queétdih ñi waadáca bojoó. Obohjeéhtih, bitaboó ñ yéej chājatdih jwī jéih jwuhcan caá. Pánih jéih jwuhcan yuhna, túi en ñunnít, yeejép ñ chājachah, jwī jéihbipna caá. ²⁵ Caan páh mantih biquína ñ túi chājachah, nihat jwī jéihna caá. Bitaboó ñ túi chājatdih jéih jwuhcan yuhna, túttimah jwī jéihbipna caá. Túiniboodih ded pah jwī jéih bihcan caá.

6

¹ Buh teo wūhnit jwuh ded pah ñ chājat pínahdih wã naóhbipna caá. Queét Jesúsíhwã jumna, ñ maátadih ñ túi teo wūhu naáh. Páant ñ chājachah ennit, Jesúsdih jepahnit ñ jumuchah jéihna, bitaboó Diosdih, jwī bohéatdihbut ded pah ñ jéih yeejép naóhcan niít. ² Ñ maáta Jesúsíhwã ñ jumuchah, queét teo wūhnitbut Jesúsíhwã jumna, ñ maátadih ñta túi wēi jepahcan tagaá. Obohjeéhtih, páant ñ chājachah, ñ túican caá. Queétdih ñ túi teo wūhu naáh. Pánih teo wūhna, ñ déewã panihnitdih teo wáacna caá ñ chājap. Ñ maátadih oina, Jesúsdih jéihcannitdih ñ teo wūhat chah, ñ túi wēi jepaha naáh. Páant wã wutadtih queétdih ma jwúub naóh yapanaá.

Ded pah Diosjeéh túi jummat

³ Buh jwī bohéatdih mácah naóhnitdih ded pah ñ chājat pínahdih wã naóhbipna caá. Det mácah bohéna, jwī Maáh Jesucristoíh túini doonádih náahcan, Dios naáwátidihbut ñ túi bohécan caá.

4 “Weém jéih beedáni caá”, niijná yuhna, ï túi jéihcan caá. Íjnit pah míic wéhena, míic jãihñat túutnit, ï míic enihcan caá. Bitadih yeejép dooná ï niijátji jíib, queétdih ï wēi encan caá. ⁵ Yeejép jenah joiná, bitajeéh jéih jamcan, míic jãihnitjeh ï jamna caá. “Dios naáwátdih bohéna, búdí dinerodih jwí bíbohípna caá”, ï niúj jenah joiná yuh caá. ⁶ Obohjeéhtih, bainí bíbohatjĩh wēina, Diosdih jepahna, túi jumat caá náahap. ⁷ Jwí jwíih cáac jamna, dedé bií déedih jwít ub jũóhcap jĩ. Bũudná, bií déedih jwí jéih ub bejcan niít. Pánihna, jwí bíbohat pah bóojeh weñat caá náahap.* ⁸ Jwí jeémátdih, jwíih yéguehdihbut jwúub chah náahcanjeh, weñat caá náahap. ⁹ Dawá bií déedih bidna, nemépboó ã yéej chãjat túutuchah, nihat yeejépdih chãjnit caá ïta jamap. Queét dawá láa jenah joicánjeh, yeejép chãjatdih cádahcan, queétjeh tigaá yeejép ï yapbípna caá. Pánih cádahcan, iiguípna ï bejbípna caá. ¹⁰ Det dinerodih búdí bidna, dedé yeejép ï chãjna caá. Biquína pánih bidnitboó Jesúsdi h cádahnit, búdí jĩgahna, tubit ï moh yéejna caá.*

Timoteodihjeh ã naáwát

¹¹ Obohjeéhtih, meémboó Dioíh jamna, yeejép ï chãjatdih ennit, “Biíc yoobó weembút wã chãjcan niít”, niijnit, biáboó ma jwei béjeé. Túiniboodíhjih ma chãjaá. Ded pah Dios meemdíh ã wutuchah, caandíhjih ma jepahaá. Jesúsdi h ma túi jenah joyoó. Bitadih ma oyoó. Yeejép yapna yuhna, Jesúsdi h ma cádahca bojoó. Bitadih táinijeh ma

* **6:7** Job 1.21; Sal 49.17; Ec 5.15 * **6:10** He 13.5

numah jumua. ¹² Jeáboó ãjeéh jumni pínahdih Dios meemdíh át níwip jĩ. Meemdíh ĩ daabánachah, Jesúsdiŋ ma jepahatdiŋ dawá cáacwādiŋ ma túi naáwáp jĩ. Pánihna, yeejép yapna yuhna, caandíh ma jepah cádahca bojoó, jeáboó juibínit, páantjeh ma jummat túat niijná. ¹³ Diosboó niŋatdiŋ át chãjap wut jĩ. Jesucristoboó Poncio Pilatodiŋ ded pah ã jummatdiŋ túi yoobópdih át naáwáp wut jĩ.* Dios, Jesucristojĩ ĩ enechah, nin pah meemdíh wã wēp naóhna caá: ¹⁴ Páant meemdíh wã wutatdiŋ ma túi jepahaá. Jwĩ Maáh Jesucristo ã jwúb dei júbwát pínah jãtiŋ, ã wutat pahjeh ma chãjaá, cáacwã meemdíh ĩ naóh yaccat pínah niijná. ¹⁵ ã náahni yeó jáapdiŋjeh Dios ã wũhdih ã jwúb wah deyabipna caá. Dios túini, caanjéh tigaá niŋat cáacwã ĩ maáh. Niŋat cáacwã ĩ maáta chah maáh caá ã jumap. ¹⁶ Caanjéh tigaá páantjeh jumni, yeh iigátjĩ ã jumna caá. Páant ã jumuchah, jwiít cáacwã ã yeh iiguípna jéih bejcan, caandíh jwít en juicáp jĩ.* Bũ láabut caandíh jwĩ en juicán caá. Caánboodíh jwĩ weñat dée caá. “Meém chah wēpni caá”, caandíh jwĩ niij jĩh. Páant tíi ã jumna nah.

¹⁷ Dawá bií dée bíbohnitdiŋ nin pah ma wutua: “Weemdíh dedé judhdát wiŋcan caá”, ĩ niij jeh nah joicá bojo naáh. ĩh bií déediŋ bũdní pínahjeh ã jumuchah, caandíh ĩ túi jeh nah joicá bojo naáh. Dios niŋat jwĩ náahatdiŋ ã wũhuchah jéihnit, caánboodíhjeh ĩ túi jeh nah joyó naáh. ¹⁸ Pánihna, túinidih chãjnit, bitadiŋ ĩh bií déediŋ wũhna, túi teo wáacnit ĩ jumna naáh. ¹⁹ Páant ĩ chãjachah enna, Dios pebhna ĩ juibínachah, queédihbut ã túi chãj

* **6:13** Jn 18.37 * **6:16** Sal 104.2

jwubanachah, caánboó páantjeh ã tãí jumbipna caá.

Pablo Timoteodih ã pé naáwát

²⁰ Timoteo, Dios meemdih ã naáwát tãutnidih ma tãí bohénaá. Ma quíib buudcá bojoó. Biquínaboó Diosdih jéihcannit, jenah joicánnit pah ã wéhena caá. Bitaboó yee naóhna, “Wã bohéat tãí jéihnit ã bohéat caá”, ã niijná yuh caá. Páant ã niíj naáwáchah, ma joyáh bojoó. ²¹ Biquína páant ã niíj naáwáchah joinít, Jesúsdiht ãt cádahap wut jã.

Dios meemdih búdí oinit, ã teo wáaca naáh.

Páant bóojeh tigaá.

Pablo

Dios ã jáap naáwát tólih New Testament in Cacua

copyright © 2008 Wycliffe Bible Translators, Inc.

Language: Cacua

Translation by: Wycliffe Bible Translators, Inc.

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cacua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 11 Nov 2022 from source files
dated 29 Jan 2022
34c9543b-57a6-5290-ab7b-4fa15529a7e2